



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Tractatus De Necessitate Et Modo Ministrandi Sacramenta Tempore pestis

Chapeauville, Jean

Mogvntiæ, 1612

22. Quid sit de illorum, qui volunt peste infectum contrahere per  
epistolam?

**urn:nbn:de:hbz:466:1-41077**

Dices postremo: Pastor potest presentiam suam exhibere absq; contagionis periculo à longe prospiciendo & audiendo mutuum consensum contrahentium, ita ut iudicio peritorum nullum propemodum sit periculum.

By. Illo posito pastorem teneri exhibere suam presentiam propter reuerentiam sacramenti, quem alias periculum contagionis excusabat.

Q V Æ S T I O XXII.

Quid sit de illorum, qui volunt peste infectum contrahere per epistolam?

Quæstionis explicatio.

*a ex l mulierem. ff. de rit. nuptia. l. fin. sufficit. ff. de sponsal.*

**I**Vre (a) antiquo constat matrimonium per epistolam celebratū validum fuisse, q; etiam probant tum nostri Dd. tum Canonista. Dubitatur vero hodie, an etiā valeat post promulgatum Conc. Trident & speciatim decretum matrimonia clādestina irritans: Huius occasione queritur, quid dicendum sit de modo ministrādi illorum qui ut vitent periculum contagii, volunt ut peste infectus si contrahere velit, contrahat per scriptum & epistolam.

*b Enriq. lib. 11. de matr. c. 2 n. o. Lud. Lopez, 2. p.*

*Responsio.*

**V**idetur posse tolerari: pleriq; (b) enim putant probabilius valere matrimonium



nium sic contractum etiã post Conc. Trid.  
 promulgatum: & ratio eorũ est, quia omnia  
 per Conc. Trid. requisita in eo reperiri pos-  
 sunt, q̄ probatur recensendo duos modos,  
 quibus matrimonium s̄m illos per episto-  
 lam cõtrahi potest. Primus (a) vt epistolam  
 mittens, scribat se nõ solum facere sui cor-  
 poris traditionem, sed extunc traditionem  
 per alterum sibi faciendam acceptare: tunc  
 enim si epistola lecta coram parochõ & te-  
 stibus alter consentiat iam vtriusq; traditio  
 & acceptatio sint coram eodem parochõ  
 & testibus facta, nihil autem aliud singula-  
 re requirit Concilium: Alter, vt recipiens  
 epistolam rescribat mittenti se accepisse li-  
 teras, in quibus vult ipsum in coniugem,  
 & similiter se velle, tunc enim si hac Epi-  
 stola lecta coram parochõ & testibus reci-  
 piens coram illis consentiat, iam mutua  
 acceptatio & traditio constat coram paro-  
 cho & testibus, quia illa epistola continet  
 traditionem rescribentis & acceptationem  
 traditionis factæ à priori mittente, & prior  
 mittens se tradit & acceptat coram paro-  
 cho & testibus: Nihil autem aliud requi-  
 rit Concilium Tridentinum.

*instr. de matr.  
 c. 35. Nauar.  
 lib. 4. consil.  
 tit. de cognat.  
 spiritali, &  
 alij per plures  
 qui post Con-  
 cil. scripserũt  
 a Enriq. sup.*

*b Zanches  
 lib. 2. de S.  
 matr. dis. 22.*

Dices: Esto, possit matrimonium vt est  
 quidam contractus celebrari per Episto-  
 lam vel procuratorem vt ante dictum est,  
 poterit



poteritne etiam huiusmodi matrimonium  
vocari sacramentum?

*a Duran. in  
4. dist. 28. q. 3.  
n. 11. Caiet.  
tom. 1. opusc.  
tract. 12. de  
tract. matr.*

R. Poterit, (a) quicquid aliqui contra-  
dicant, quia matrimonium vt contractus,  
& vt sacramentum est idem numero, & tan-  
tum differt iuxta diuersos respectus, quia  
vt respicit vinculum contrahentium dicitur  
contractus, vt autem eleuatur à Deo ad  
representandam vnionem Christi cum ec-  
clesia dicitur sacramentum: Ergo vtroque  
modo debet habere eandem materiam &  
eandem formam, & causas agentes, ac pro-  
inde si potest vt contractus celebrari per  
epistolam poterit, etiam vt sacramentum.]

Dices secundo: Cum in hac re sint con-  
traria Doctorum sententia, vt vtraq; pro-  
babilis, expedietne si peste infectus con-  
ualescat suadere, vt iterum matrimonium  
personaliter, & per se immediate contrahat  
ad tollendos scrupulos.

R. Expediet: Neque obstabit, quod cæ-  
tera sacramenta repeti nequeant eadem ma-  
nente materia, quia hoc est in matrimonio  
speciale, vt sæpius stante eadem materia re-  
peti possit, cum enim sit contractus, eiusq;  
naturam & condiciones retineat, potest ea  
parte qua contractus est, cæterorum  
contractuum more sæpius  
iterari.

Q V A